

تذكار للانتاج الفني تقدم

فلة والإقزام

تأليف واخراج

٢٠٠٠٣

فهد الباكر

المشهد الأول

المنظر (قاعة فاخرة في قصر ملكي كل مافية ستائر ومراة وكُرسي عرش تدخل الملكة بكامل زينتها وفستانها والتاج على رأسها) .

- الملكة : أنا الملكة كبشوتة . . . أحلى مرة في هالكون . . وأقوى ساحرة في هالوجود . . . طبعاً إنتو ما تصدقون كلامي . . لكن أنا باراويكم قوة سحري (تخاطب المرآة) تعالي يامرآتي . . قربي . . . (تقوم بتعديل نفسها) قوللي يامرآتي العزيزة . . من هي أجمل الجميلات .

- المرآة : مولاتي كبشولة أجمل الجميلات .

- الملكة : تضحك . . سمعتوا ياذا نيكم . . . وعرفتو قوة سحري . . .

- وإنتو بعد لازم تسمعون كلامي . . علشان جذي بسألکم نفس السؤال من هي أجمل الجميلات (للأطفال) يافلة . . . يافلة . . .

- فلة : نعم ياملكة البلاد .

- الملكة : لاتتمسكين . . . وتسوين روحك فقيرة . . . رتبي غرفتي وعدلتي سريري . . . ومسحتي البلاط .

- فلة : رتبت الغرفة . . . وعدلت السرير . . . ومسحت البلاط . . . أي أوامر ثانية .

- الملكة : دشى المطبخ . . . وساعدي الخدم في غسل المواعين .

- الأميرة : بس أنا أميرة . . ومايجوز انك تعامليني مثل ماتعاملين الخدم

- الملكة : انا ملكة هالقصر . . واوامري لازم تنفذها بالحرف الواحد . . . ياالله
. . . دشى المطبخ وساعدي الخدم .

- الأميرة : تبكي

- الملكة : بتموتني هالبنية . . . دايمتا تعارض كلامي . . . وكل ماكبرت صارت
أحلى واحلى . . . بس ماراح تكون احلى مني . . . علشان جـذي لبستها
هالملايس الوسخة ودخلتها المطبخ علشان تساعد الخدم . . . تعرفون ليش . . .
علشان يديها تصير جافة وخشنة وتصير هي قبيحة وبشعة . . . حتى ابوها اللي
هو وزوجي . . . مايعرفها لما يرجع من الحرب . . . ويارب مايرجع ويموت . .
علشان أستولي أنا على المملكة بروحي . . . (تنادي رئيس الخدم) .

- يارئيس الخدم يارئيس الخدم .

- رئيس الخدم : نعم يامولاتي كبشوتة .

- الملكة : قوللي يارئيس الخدم أنا صج حلوة .

- رئيس الخدم : (لنفسه) وع تشوف ويه العز وحلب لبن . . .

- الملكة : (تصرخ) شتقول ياخدام

- رئيس الخدم : اقول وهاي بييلة كلام . . . طبعاً مولاي كبشوتة أجمل وحدة في هالكون (بنفسه) ياشين السرج على البقر .

- الملكة : ياطباخ . . . ياطباخ . . . (تدخل الى المطبخ) (تدخل فلة)

- فلة : (حزينة) هالكلام يصير ياعم سعدون . . انا أميرة هالبلاد تشغلني هالساحرة خادمة في قصر ابوي . . انت ترضى باها الشيء ياعم سعدون .

- رئيس الخدم : طبعاً انا مهيب راضي . . . لكن هال الساحرة لو عاندناها . . اخاف تتسوي فيك شيء . . . وابوك مخليك أمانة في رقبتك لين يرجع من الحرب انت ادعى ان يرجع بالسلامة وبعدها يحلها ربك .

- فلة : لو كانت امي عايشة جان ماصار كل اللي صار . . . علشان انا يتيمة وماوراى سند وعون اتحول للعبة في يدها الساحرة .

- رئيس الخدم : افا يافلة . . وانا العم سعدون وين رحت . . . لها الدرجة مهيب معترفة فيني . . . وماتعديني مثل ابوك . . شكرا لك يا فلة .

- فلة : لا ياعم سعدون انا ما اقصد بالعكس بدونك انت يمكن انا مت

- رئيس الخدم : بعيد الشر . . . انشا الله اللي يكرهونك (صوت الملكة)

- الملكة : يارئيس الخدم . . . يارئيس الخدم وتدخل

- رئيس الخدم : لفلة روجي انتي المطبخ . . وانا جاي وراك (تخرج فلة) .

- الملكة : ماتسمعني يارئس الخدم . .

- رئيس الخدم : خير يا مولاتي . . .

- الملكة : اشلون جمالي بهالفستان

- رئيس الخدم : جنتج ستارة الحمام (تغضب الملكة) .

- الملكة : شتقول بية محمد يعرف سر جمالي إلا مرآتي العزيزة تعالي يامرآتي . . قوللي من هي أجمل الجميلات تتحرك المرآة اشفيك شاكتة تكلمي من هي أجمل الجميلات .

- المرآة : أجمل الجميلات صاحبة الشعر الاسود كالليل والشفاف اللي مثل الكرز الوية الابيض مثل النهار وهي الأميرة فلة .

- الملكة : فلة لا هذي مؤامرة وانا مراح اسكت عنها يارئس الخدم .

- اسمعني عدل نفذ كلامي بالحرف الواحد وراح اخليك مستشار القصر وراح اعطيك مكافئة مالية عمرك ماتحلم فيها وراح اخليك ذراعي اليمين .

- رئيس الخدم : معقولة باترقى من خادم لمستشار هل انا في حلم انا في علم (يسقط
مغشيا عليه) قوم يالغبي . . . قوم . . . ينهض . . . مستشار مرة واحدة (يسقط
(تصرخ) قوم ياخدام وافتح اذونك عدل . . . تاخذ الأميرة فلة لغابة الاقزام
. . . وهناك تقتلها . . . وترجع ومعك خواتمها واساورها وخصلة من سعرها .

- رئيس الخدم : بس

- الملكة : اذا انت مانفذت كلامي باخللي غيرك ينفذ . . فاهم

- رئيس الخدم : خلاص انا اللي بنفذ كلامك . . في حد يكرة يكون مستشار
اجمل ملكة في هالكون . . . متني مصدق نفسي . . . مستشار مرة وحدة . . . (.
يقع على الأرض) .

إنتهى المشهد الأول .

- المشهد الثاني :-

- غابة وبعض الأشجار المقزومة نرى فلة وسعدون في بقعة ضوئية .

- رئيس الخدم : سمعيني يا فلة •• انت تعرفين ايشقد انا احبك •• واخاف عليك
••• واعتبرك مثل بنتي واكثر لأنني انا اللي ربيتك بعد وفاه امك الله يرحمها ••
علشان جذي خفت انها تسوي فيك شي هالساحرة •• ويوم ما قالت لي روح
اقتلها •• عرفت انها ما بترحمك •• علشان جذي قررت اني اشرد معاك في
هالغابة .

- فلة : لا يا عم سعدون •• انت عندك عيال تربيههم •• واذا مارجعت يمكن تنتقم
من عيالك •• وتسوس فيهم شي •• وانا ماأرضى بهالشي •• الحمد لله انها
جات على جذي ••••• وارض الله واسعة •• وقل لن يصيبنا الا ما كتب الله لنا
••

- فلة : توكل على الله وانا لي رب اسمه الكريم .

- رئيس الخدم :بس يا فلة ••• تقاطعة

- فلة : توكل على الله ••• ورح حق اعيالك •• ولا تنسى تاخذ الاغراض اللي
طلبتها الملكة (ييكى) ••• مع السلامة يا عم سعدون ••• مع السلامة
- (أغنية عن الظلم والخوف والليل)

- إظلام

- إنتهى المشهد الثاني .

- المشهد الثالث :

- المنظر (بيت الأقزام . . . سبع اسرة ومائدة في المنتصف . . . كل شي في البيت صغير وموضوع بشكل ينم على الفوضى وعدم النظام)

- فلة : يا اهل البيت . . . يا اهل البيت . . . بطلو الباب . . . بطلو الباب (تدق الباب فيفتح بنفسه . . . في حد في البيت . . . الظاهر ان البت فاضي .

- تسأل الأطفال . . . في حد في هالبيت يا أطفال . . . ايش هالفوضى . . . ايش هالغبار . . . البيت يحتاج تنظيف وترتيب . . . ايش هالاسماء الغريبة . . . لاتنتبه لوجود الطعام . . . الله اكل . . . انا جوعانة . . . وابي اكل . . . ممكن اكل من ها الأكل يا اطفال (تسأل الأطفال) بس شيقولون عني لو لقوا اكلهم ناقص بيقولون عني بواقه . . . بس انا جوعانة . . . شاسوي الحين . . . باكل بس شوية . . . تسأل الأطفال . . . اكل شوي . . . (تأكل قليلا) . طعم الأكل غريب . . . بس وين بانام . . . وين بانام . . . وين بانام . . . مافي الا انام اهني (تستلقي على الارض) بس الدنيا ظلام . . . اية في هناك فانوس . . . خلني اولعة . . . تشعلة وتدخل في نوم عميق .

المشهد الرابع

- المنظر
- وسط الظلام يدخل الأقزام السبعة يحمل كل منهم فانوسة ومنشاة
- أغنية
- بعد انتهاء الاغنية يكتشفون بأن في بيتهم فانوس مشتعل
- غضبان : الحقو يا اصدقاء ••••• لحقوا ••••• في بيتنا لصة
- الاقزام : لصة
- عطسان : يادي الحوسة ••••• يادي الحوسة
- شرهان : رحنا وطى
- عقلان : اشبلاكم تولون مثل الحريم ••••• اذا هي معها فر والا سكين •••••
- احنا معانا فؤوس ونقدر نكر الرؤوس ••••• جاهزين يا اصدقاء •••••
- الأقزام : بىكاء وهروب وخوف ••••• جاهزين
- عقلان : بقوة ••••• جاهزين يا اقزام •••••
- الاقزام : (بعزم) ••••• جاهزين يا عقلان

● عقلاَن : شوي- شوي ••• امشوا على اطراف اصابعكم •••••

(يدوس سرحان على رجل شرهان)

● يصرخ شرهان من الالم

● شرهان : أي ••• أي ••• أي انت عمي ما تشوف

● عطسان : يعني لازم توقف وراي .

● غضبان : بسكم من الهواش ••• وخلصنا في المصيبة الموجودة داخل البيت

● يدخل غضبان

● عقلاَن : شي (يقلد الحمار)

● الجميع : حا (يقلدون الحمار)

● عقلاَن : شي

● الجميع : حا

● عقلاَن : ويكلمهم من الداخل (أغنية آلو •••) .

● عطسان : (يعطس) ••• هاتسو ••••• تتحرك فلة

● غضبان : تحركت ••• تحركت ••• شي

● الأقزام : حا

● عقلا ن : ماشاء الله بنية حلوة . . تقول حق القمر قوم واقعد مكانك

● الاعمع يحمل الفانوس .

● عطسان : عندها خشم يعطس

● شرهان : احلى من الكرز

● فلة : تنهض الأميرة من نومها . . وين انا . . وشالي جابني هالكان . .
ومن انتو . . لا تقتلوني ارجوكم . . . انا ماسويت شي . . . ماسويت شي

● عقلا ن : لا تخافين . . احنا مانقتل احد . . . اعتبرينا أصدقائك

● فلة : انا وين . . .

● عطسان : يعطس انتي في منزل اصدقائك الأقزام

● فلة : بس انا خايقة

● شرهان : لا تخافين . . . اعتبرينا مثل ما قلنا لك اصدقاء

● الاعمع : وبنتم اصدقائك

● عقلا ن : والبيت اللي انتي فية بيتنا . . . واعتبري من اليوم بيتك . . .
واحنا جمعنا الصداقة الحلوة والصدق والتعاون . . .

● شرهان : نحب الطبيعة ونحب الأشجار . . . واهم شي الأكل . . . يعني لازم
نترس هالدبة . . . (ينظر الية الثلاث) علشان نقدر نشتغل .

● عطسان : ونحب الناس الحلوين والطيبين اللي مثلك .

● فلة : الله . . . حياتكم حلوة . . . وانتو وايد طيبين .

● العقلان : والحين جية دورنا علشان نعرفك علينا . . . انا عقلان . . . وا

● عطسان : يعطس . . . وانا عطسان

● شرهان : وانا شرهان

● غضبان : اما انا فأسمي على شكلي (يصدر حركة غضب) غضبان

● فلة (عاشت الأسامي ومن سماها . . .

● الأقزام : وانتي من

● فلة : انا . . . انا . . . تسأل الأطفال) . . . اقول والا ما اقول . . . قولوا

انتوا يا اطفال (يحاول الاطفال ان يتكلموا . . . كأنهم لا يسمعون الاسم

جيذا

● فلة : سمعتوا . . . قلولكم الاطفال . . . فلة

● غضبان : قصدك الأميرة فلة . . . اميرة مدينة الأحلام . . .

- فلة : صح يا غضبان
- عقلان : وشلي يابك عندنا
- فلة : الاطفال هم يقولون لكم .. شللي يابني عندكم (تأخذ واحد من الاطفال من بين الجمهور لكي يخبرهم عن حكايتها مع الملكة الساحرة
- فلة : وعلشان تفهمون الموضوع عدل الملكة اللي هي مرت ابوي من طمعها وجشعها للإستلاء على املاك ابوي .. وغيرها مني لأني اجمل منها قررت ان تتخلص مني وتموتني .. صح يا أطفال .
- عقلان : هذي مرة شريرة .. انا سمعت عنها
- غضبان : انا احذرکم .. اذا عرفت هالشريرة بمكان الأميرة فلة بتدمرنا كلنا
- فلة : يعني أنا بسبب لكم الأذى وانا ما ارضاها في حقكم ياالله مع السلامة (برهه)
- شرهان : على وين يا أميرة فلة ..
- فلة : أرض الله واسعة لتعتقدون اني زعلانة منكم بالعكس انا مقدرة موقفكم مع السلامة
- عقلان : لحظة يا فلة .. انتي فهمتينا غلط اللي يدق بابنا احنا نوقف معاه حتى اخر لحظة من عمرنا ومالنا خص اذا كان غني ولا فقير .. اهم شي يكون مظلوم ..

● عطشان : (يعطس) .. واحنا متأكدين انك ضحية مورت أبوك
الساحرة

● قزام : بالروح بالدم نفديك يا اميرة .. بالروح بالدم نفديك يا اميرة

● الأميرة : شكرا لكم يا اصدقائي .. وانا بدوري راح اكون اخت لكم
.. انا مسؤولة عن تدبير شئون المنزل .. يعني بجيظ لكم ملابسكم
وينظف البيت وبغسل الصحون .. وبارتب السراير ..

● شرهان : انتي تعرفين تطبخين ..

● الاميرة : اكيد

● شرهان : يعني تعرفين تسوين لنا ارانب ومحاشي وورق عنب .. وظب

● الاقزام ظب ..

● الاميرة : انا اعرف اطبخ كل شي .. حتى اعرف اسوي لكم كيكه
الفريز

● شرهان : يا سلام .. لقد سال اللعاب .. يا الارنب والكيك والظب
.. نفديك يا اميرة .. بالارنب والكيك والظب نفديك يا اميرة ..

● غضبان : لا تخافين يا اميرة فلة .. احنا كلنا معاك

● عقلان : والأن هيا الى العمل

- عطسان : (يعطس) . . . بس قبل لانروح . . بنطلب منك طلب
- الأميرة : وشنهو ها الطلب
- عطسان : قفلي الباب (يعطس) ولا تفتحية لأي مخلوق . .
- غضبان : يمكن الملكة تكتشف انك لين الحين حية . . وتطب عليك
- عقلان : فهمتي كلامنا . . . يا الله مع السلامة . . . مع السلامة
- الجميع : مع السلامة يا اميرة مدينة الأحلام .

● إظلام

انتهى المشهد الرابع

المشهد الخامس

- المنظر (بقعة ضوئية على الملكة ومراآها)
- الملكة : مراآي مراآي تعالي يا مراآي .. من هي أجمل الجميلات (تتكلم وهي في ثقة في نفسها)
- المرآه : ما قدر .. ما قدر ما قدر اقولك .
- الملكة : وليش ما تقدرين .
- المرآه : اخاف ترعلين مني
- الملكة : وليش ازعل انا واثقة من جهالي .. والانت عندك ادنى شك .. انا من في هالمملكة أجمل مني ..
- المرآه : تصمت (تغضب الملكة وتكسر المرآه وتحضر مرآه اخرى
- الملكة : قولي لي يا مراآي العزيزة .. من هي اجمل الجميلات
- المرآه : تصمت
- الملكة : تتكلمون والا اكسر كم كلكم
- تخاف مجموعة المرايا من الملكة ويرتعدوا (تكسر الملكة المرايا الأخرى فتخاف باقي المرايات .. تتحدث المرآه الأولى

• المَرآه : سمعيني يا ملكة مدينة الأحلام اجمل الجميلات ويها ابيض
مثل النهار وشعرها اسود مثل الليل وشفافيتها مثل الكرز . . . وهي
الأميرة فلة

• الملكة : (تضحك) بس الأميرة فلة ماتت . . .

• المرأة : انت غشيمة . . . الأميرة فلة حية ترزق . . . وهي عايشة مع الاقزام
في الغابة . .

• الملكة : يعني سواها هذا الخادم الغبي . . انا لازم انتقم منكم كلكم . . .

• (تضرب المرأة)

• إظلام

انتهى المشهد الخامس

المشهد السادس

• المنظر امام بيت الاقزام الملكة متنكرة بشباب امرأه عجوز والخادم سعد يثياب
مهرج بهلول تحمل صندوق مليء بالحلي والمناديل وزينة النساء الملكة تعال تعال يا
خدام لو بطلب حلجك بكلمة وحدة تعرف شنهو بيكون مصير عيالك

• الخادم لاتخافيم يا مولاتي انا تحت امرك لنفسه الله يستر

• الملكة جذي تعجيني امشي قدامي ها هو بيت الاقزام وفلة موجودة داخل
بروحها وانا لازم اقضي عليها قبل وصول الاقزام وانتو اذا نطقتم بكلمة وحدة
راح احولكم كلكم لرماد انتو تعرفون الملكة حيزبونة وتعرفون قوة سحري صح
والا لا يا سعدون صح يا مولاتي صح واللحين نفذ اللي اتفقنا عليه

• رئيس الخدم قرب قرب حرير هندي اصلي من بومي يصلح لان يكون ستارة
حمام والابخشة عيش

• الملكة شتقول يالغبي حرير اصلي ستارة حمام وخبشة عيش قول يصلح
للملابس للاميرات

• الملكة تعال خذ فكرة واشتر على طول عندي العود والمسك والعنبر عندي من
الزين قرب وشوف افتح الباب افتح وشوف الزين عندي والشين عند غيري تشير
على الخادم تكلم قول شي

• رئيس الخدم سكر ونام وما عليك من الكلام

• الملكة سكر الله بلاعيمك ايش قاعد تقول تضربة

- رئيس الخدم انشا الله نروح وما نرجع قولوا امين للاطفال
- الملكة امش قبل لا حولك لسبال
- رئيس الخدم سبال موب مشكلة على الاقل احلى منك
- الملكة امش يا خدام امش
- انتهى المشهد السادس

• المشهد السابع

- فلة في المنزل فلة اشفيههم تأخرو انا خايقة عليهم في فترة بسيطة حبيتهم وتعودت عليهم يارب رجعههم لي بالسلامة اكيد بيستانسون على المفاجأه اللي انا حظرتها لهم يقترب الاقزام بأغنيتهم المشهورة
- الاقزام السلام عليكم
- فلة وعليكم السلام اشفيكم تأخرتو
- عقلان لا تخافين علينا
- شرهان احنا ناكل الزلط
- فلة صبح ليش تأخرتو
- غضبان لانو كنا نحضر لك مفاجأه
- عطسان المفاجأه انا حنا يضربة شرهان يعطس ان احنا مسوين لك مفاجأه
- فلة شوفتوني ننهي المفاجأه
- عقلان انتي فكري تنتهي المفاجأه
- فلة اكيد جيتو الامير اللي شافني في حفلة عيد ميلادي واللي قرر انو يتزوجني لولا حقد مروت ابوي وخربت الزواج لما قالت حق ابوي اني لين الحين صغيرة على الزواج تبحت وين الامير وينة
- غضبان اس امير نقولك مفاجاه احنا سوينها بايدينا

- فلة سوتوها بايدكم
- شرهان ايه سوينها بايدنا
- عطشان تعرفين شنهي المفاجأه يضربة شرهان المفاجاه هي مفاجاه
- عقلان خلنل نقولها مع بعض
- الجميع المفاجاه ان احنا صنعناك سرير
- فله الله سرير صج انكم طيبين شكراً لكم
- الجمي
- عه لا شكر على واجب
- فلة وانا بعد محضرة لكم مفاجاه
- عطشان الظاهر ان اليوم يعطس يوم المفاجات
- شرهان قولي لنا شنهي المفاجأه
- غضبان واشلون بتكون مفاجأه لو قالت لنا
- شرهان خلاص قولي انا وانا بعدين اقولهم
- الاقزام لا باستغراب خلاص ما نبي نعرف احنا بنروح ناكل ناكل
- الاميرة وقفوا ممنوع

- الاقزام ممنوع ليش ليكون ما طبختي
- الاميرة لا طبخت
- الاقزام عيل ليش ممنوع
- الاميرة علشان لازم تغسلون ايديكم قبل الاكل صح والا لا يا اطفال
- الاقزام اشلون نغسل ايدينا بس احنا ما تعودنا على هال الشيء
- الاميرة وهالحين لازم تتعودون لان الرسول (ص) قال النظافة من الايمان
- الاقزام حكم القوي على الضعيف قوموا خلنا نغسل ايدينا
- يغسلون ايديهم ويذهبون للاكل بشكل دفش وكوميدي
- الاميرة شتسون حد ياكل بما الطريقة الدفشة شوي شوي محد لاحقكم
- بعد الانتهاء من الاكل يذهبون الى النوم
- الاميرة شتسون
- الاقزام نبي انام
- الاميرة شلون تنامون قبل لا تغسلون ايديكم
- الاقزام بعد ما انقوم يصير خير
- الاميرة شلون بعد ما تقومون يعني بتنامون بوصاخرتكم هذا الشي يصير يا اطفال

- الاميرة بالله قوموا واغسلوا ايديكم
- الاقزام خلنا انشوف اخرتها معاك
- الاميرة وبعد ما تغسلون ايديكم تغسلون
- الاقزام ايش تغسل بعد
- الاميرة تغسلون اسنانكم بالفرشاة والمعجون مبتنسوا يا اطفال
- الاقزام هذا سجن مهب بيت
- الاميرة شتقولون
- الاقزام نقول السمع والطاعة يا اميرتي العزيزة (تزل اغنية تفريش الاسنان
- الاميرة برافو عليكم ولاحين
- الاقزام والحين هيا الى النوم
- الاميرة أي نوم بتنامون واجسامكم وصخة
- الاقزام متعودين على هالشي
- غضبان ليش ليكون بكرة عيد
- الاميرة لازم تكون في مناسبة علشان تسبحون
- الاقزام اكيد

- الاميرة واذا ما في مناسبة
- عطشان يعطس ما في سبوح
- الاميرة صبح انكم وصخين وصخين والا لا يا اطفال علشان جذي ما راح
اكلمكم ولا با طبخ لكم ولا با نظف البيت وقررت اني اترككم واروح
- الاقزام تتركنا كل هذا علشان ما نبي نتسبح
- غضبان انا ما باسبح مهما كلف الامر
- الاقزام بتغضب منك الاميرة
- غضبان الموت ولا الحمام
- الاقزام يلتفون حولة ويحملونه بالقوة الى الحمام وهم يضحكون
- انتهى المشهد السابع

• المشهد الثامن

• المنظر بقعة ضوء على الملكة

• الملكة هالمة ما راح تفلت من ايدي باقضي عليها يعني باقضي عليها هالتفاحة
المسحورة بتقضي على فلة كل من ياكل هالتفاحة بيغمى عليه وبينام شنه ميت
تبون تجربون يا اطفال والا اقولكم انتو دواكم عندي مهب الحين تضحك

• هذي التفاحة تفاحة فلة وهي ما راح ترجع للحياة الا اذا لمسها امير يحبها وهي
وين بتلقى هالامير في الغابة يعني بتم نائمة طول عمرها (تضحك) والاقزام
بيحسبونها ميتة وييدفنونها وبعدها باصير اجمل الجميلات وباستولي على الملكة كلها
باروح اجهز نفسب باشر الصباح باجي وانفذ الخطة .

• انتهى المشهد الثامن

• المشهد التاسع

- المنظر (امام بيت الاقزام)
- الاميرة لتأخرون بالليل
- شرهان هالله هالله في الاكل الزين نبي كيك بالتفاح
- الاميرة بس انتو ما جبتولي تفاح علشان اسويه لكم كيك بالتفاح
- شرهان خلاص سووي كيك باي شيء المهم كيك
- عقلان ما عليك منه سوي لنا أي شيء المهم اكل
- غضبان يالله تأخرنا ايش كثير تتكلمون
- عطشان (يعطس) مع السلامة يا اختنا العزيزة
- الاميرة مع السلامة مه السلامة (يذهبون)
- الملكة متنكرة بمئة عجوز يا بنيتي يا بنيتي ما عندك ماي عطشانة حاسة بيغمي علي
- الاميرة لحظة شوي با روح داخل وباجيب لك الماي
- الملكة تضحك اخيراً طحتي في يدي يا فلة اذا ما انتقم منك ما اكون انا حيزبونة (تضحك)

- الاميرة تخرج تفضلي الماي
- الملكة يمة الله تصدقين هالكلمة طول عمري ما سمعتها
- الاميرة ليش انتي ما عندي عيال
- الملكة بنتي ماتت وهي باللفة صاها مرض خطير وزوجي توفي بحسرتة علي
بنيتي وانا الحين وحيدة ازرع الارض وابيع التفاح والا اشلون باحصل علي
الفلوس علشان اعيش
- الاميرة الله انا احب التفاح واصدقائي يبوني اسوي لهم كيك بالتفاح يعني
باشتري من عندك كيلو تفاح ها ايش قلتي
- الملكة قلت موافقة وانا باعطيك هالتفاحة مجاناً لانك اعطيتيني الماي مجاناً تفضلي
(الاطفال يتحدثون مع الاطفال مساحة مفتوحة)
- الاميرة شكراً لك يا امي العزيزة تأكل قليلاً هالتفاحة طعمها مهيب مثل كل
التفاحات
- الملكة هالتفاحة مميزة كل من يتمنى امنية وهو ياكل هالتفاحة راح تتحقق
- الاميرة اتنى ان الامير اللي خطر عيد ميلادي يجي بيت الاقزام ويتزوجني
- الملكة عيل اكلي التفاحة وانتي تتمنين الامنية
- الاميرة تقضم التفاحة وسرعان ما تشعر بالدوار وتراخي العضلات فتسقط علي
الارض

- الملكة تضحك وتهرب والحين ما في بال الدنيا الا جميلة وحدة هي الملكة حيزبونة تضحك وتخرج

- يأتي القوم شرهان ليأخذ الغذاء

- شرهان فلة فلة فتحي الباب يا فلة فتحي الباب الاطفال يصرخون فلة فلة
اشفيك ما تردين فتحي يا فلة تنبهه ان فلة على الارض

- فلة فلة قومي يسأل الاطفال اشفيها فله فيرد الاطفال هاي كنا اللي خافين منه
سمعوني

- ابي اثنين يحرسون فلة لين انا دي اصدق قلنا يبحث في الصالة عن الاشخاص ويحضرهم لحراسة فلة ثم يخرج

- تخرج الساحرة حيزبونة من وسط الجمهور

- الملكة على بالكم يقدرّون ينقذونها حرّمة بوزهم حتى انتو اللي واقفين

- وتبون تنقذونها ما تقدرون تسوون شي لان فلة الحين في عالم ثاني محد يقدر ينقذها غير الامير والامير لا يمكن يوصل لها المكان يعني فلة سلمو عليها وانا بعد اسلم عليكم الوداع يا اطفال الوداع تخرج وهي تضحك

- عقلا ن وین الامیرة وینهی

- شرهان طايحة عند الباب

- عطشان يعطس مسكينة الاميرة فله مسكينة

- غضبان اذا صار في الاميرة فله شئ بادم الساحرة حيزبونة

- عقلان فله فله قومي يا فله قومي احنا كلنا نحبك
- شرهان فله من بيطبخ لنا بعد ما تموتين من
- غضبان يضربه انت شتقول صبح ما عندك دم
- يدخل الخادم سعدون ومعه الامير
- سعدون هذا بيت الاقزام وفله عايشة معاهم السلام عليكم وين فله وبينها هذا
الامير اللي كان بي يتزوج فله لولا منع الساحرة للزواج وينهي فله وبينها
- عقلان فله فله ماتت قتلتها الساحرة
- الامير شتقول فله ماتت
- سعدون ماتت حسبي الله ونعم الوكيل كل منك يا الساحرة كله منك وين
دفنتوها
- غضبا ما دفنها هي موجودة اهني
- الامير وينهي يذهب صوب الاميرة كم صار لها على هالحال
- شرهان قبل شوي
- الامير(قل لن يصيبنا الا ما كتبه الله لنا) عطوني جلاص ماي ويذهب عقلان
لاحضار الماء
- بسم الله الشافي المعافي

- بسم الله الشافي المعافي
- الاميرة تتحرك يمينا وشمالاً
- عقلان تحركت تحركت
- الجميع يرکضون في ذهول الحمد لله الحمد لله
- الاميرة الامير حمدان ماني مصدقة عيوني
- الامير الحمد لله على سلامتك يا اميري الغريزة يقبل راسها
- شرهان امم امم نحن هنا
- عقلان وبعدين اشلون تقط الميانه بينك وبين اختي واخوانها موجودين
- الامير انا اسف حقكم علي
- غضبان احنا ما عندنا بنات يتكلمون مع اغراب
- الامير الاغراب ممكن يكونون اقرب
- الاقزام اشلون
- الامير انا جاي وطالب يد اختكم فله
- شرهان بس يدها صبح انك ما عندك نظر
- عقلان ما فهمنا وضح اكثر

- الامير انا جاي وطالب الزواج من اختكم الاميرة فله
- شرهان بس احنا فقارة ما عندنا اخت اميرة اكيد انت تقصد ناس غيرنا
- فله شرهان
- شرهان نعم
- فله حرام عليك تلغوز الامير حمدان بدلع
- غضبان خلاص عطنا مهلة سنه نتشاور في الموضوع وبعد سنه نرد عليك
- الامير سنه
- عطسان عشان خاطر فله ستة شهور
- الاميرة ستة شهور
- شرهان ولا تزعلين ٣ شهور
- عقلان انتو على كيفكم تقرررون مب في اطفال هم بعد مسؤولين عن فله ايش رايكم يا اطفال موافقين على زواج الامير حسان من الاميرة فلة راى الاطفال
- موسيقى
- انتهى المشهد التاسع والاخير